




# საშურის მოახბა



№16 (298)

7 ივნისი, ორშაბათი,

2021 წელი

## საშურის მუნიციპალიტეტის საკრებულოს მორიგი სხდომა

1 ივნისს, ადმინისტრაციული სახლის სხდომათა დარბაზში გაიმართა საშურის მუნიციპალიტეტის საკრებულოს მორიგი სხდომა, რომელსაც უძღვებოდა საკრებულოს თავმჯდომარის მოადგილე ზურაბ ნოზაძე.

სხდომაზე, საკრებულოს წევრებმა, აუცილებლობიდან გამომდინარე, ცვლილებები შეიტანეს საკრებულოს მიერ ადრე მიღებულ რამდენიმე დადგენილებაში. შემდეგ, დეპუტატებმა იმსჯელეს და თანხმობა მისცეს მუნიციპალიტეტის უფლებამოსილების დელეგირებას მიუსაფარი

შინაური ცხოველების მართვის შიდა ქართლის ინტერმუნიციპალური სააგენტოს შექმნასთან დაკავშირებით.

ამავე სხდომაზე დამტკიცდა საკრებულოს 2021 წლის მესამე კვარტლის სამუშაო გეგმა.

სხდომის დასასრულს, საკრებულომ მოისმინა მუნიციპალიტეტის მერიის ადმინისტრაციული სამსახურის შესყიდვებისა და მატერიალურ-ტექნიკური უზრუნველყოფის განყოფილების მიერ, 2020 წელს, გეგმით გათვალისწინებული სამუშაოებისა და გაწეული საქმიანობის ანგარიში, რომელიც შეფასდა დადებითად.

## შიდა ქართლს ახალი გუბერნატორი ჰყავს

საქართველოს მთავრობის ადმინისტრაციის რეგონებთან ურთიერთობის დეპარტამენტის ხელმძღვანელმა, ლერი ბარნაბიშვილმა შიდა ქართლის ახალი სახელმწიფო რწმუნებული, ვალერიან მჭედლიძე რეგიონის მუნიციპალიტეტების მერებსა და საკრებულოს თავმჯდომარეებს, შიდა ქართლის სამხარეო ადმინისტრაციაში წარუდგინა.



შეხვედრაზე რეგიონის ახალმა რწმუნებულმა თვითმმართველობებთან მჭიდრო ურთიერთობების მნიშვნელობასა და ყველა იმ საკითხებზე გაამახვილა ყურადღება, რაც შიდა ქართლის მუნიციპალიტეტებისთვის პრიორიტეტულია.

„დღეს წარვადგინეთ ახალი სახელმწიფო რწმუნებული შიდა ქართლის რეგიონში, ბატონი ვალერიან მჭედლიძე. ბატონი ვალერიან არის შიდა ქართლიდან, კონკრეტულად, გორიდან, საკმაოდ კარგად იცნობს რეგიონის პრობლემებს და გამოწვევებს. ამასთანავე, ახალი რწმუნებული მუშაობდა სხვადასხვა მენეჯერულ პოზიციებზე, სახელმწიფო სტრუქტურებში, მათ შორის ინფრასტრუქტურისა და სოფლის მეურნეობის სამინისტროებში. მას აქვს საკმაოდ გამოცდილება იმ უწყებებში მუშაობის, რომელიც დაკავშირებულია რეგიონის სოციალურ-ეკონომიკურ განვითარებასთან. მე დარწმუნებული ვარ, რომ ვალერიან იქნება ძალიან ეფექტური მენეჯერი, ეფექტური სახელმწიფო რწმუნებული. ის კარგად შეძლებს კოორდინაციას, ადგილობრივ და ცენტრალურ ხელისუფლებასთან და ეფექტურად შეხვდება იმ გამოწვევებს, რომელიც პრემიერ-მინისტრის ინიციატივით მიმდინარეობს საქართველოს რეგიონებში“, - განაცხადა ლერი ბარნაბიშვილმა.

ვალერიან მჭედლიძემ პრემიერ-მინისტრს გამოცხადებული ნდობისთვის მადლობა გადაუხადა.

„მადლობა მინდა გადავუხადო საქართველოს პრემიერ-მინისტრს ბატონ ირაკლი ღარიბაშვილს, ასევე საქართველოს მთავრობას, გამოცხადებული ნდობისთვის. მე ვარ წარმოშობით ამ რეგიონიდან და კარგად ვიცნობ რეგიონს. გამოვიყენებ მთელ ჩემს ცოდნას, გამოცდილებას, რათა მეტი გავაკეთოთ ამ რეგიონში - ახალი პროექტები განვახორციელოთ და მივყვეთ იმ გეგმებს, რომელიც მთავრობის მიერ არის დასახული“, - განაცხადა ვალერიან მჭედლიძემ.

## საშურში საქალაქო კულტურის სახლის (ყოფილი რკინიგზის კლუბის) რეაბილიტაცია მიმდინარეობს

პროექტი დარბაზის სრულ მოწყობას ითვალისწინებს. უკვე მოეწყო სცენა, საოპერატორო სივრცე, მოპირკეთდა ჭერი, შეიღებოდა კედლები. ამ ეტაპზე მიმდინარეობს დარბაზის იატაკის დაგება, რის შემდეგაც დამონტაჟდება სკამები, მოეწყობა გახმობის და განათების სისტემები.



ტენდერში გამარჯვებული კომპანია „ინშაათ საქართველოს“ წარმომადგენლების განმარტებით, სამუშაოები ერთ თვეში დასრულდება და საბოლოო სახე, სრულად, თანამედროვე სტანდარტების შესაბამისი იქნება.

პროექტის განხორციელება ხელს შეუწყობს მუნიციპალიტეტის კულტურული ცხოვრების მეტად განვითარებას, რაც ყველა საშურელისთვის ძალიან მნიშვნელოვანია.

კულტურის სახლის რეაბილიტაცია ადგილობრივი ბიუჯეტის დაფინანსებით ხორციელდება და მისი ღირებულება 904313 ლარია.

### ხაშურის მუნიციპალიტეტის საკრებულო განკარგულება #24

2021 წლის 01 ივნისი, ხაშური

ხაშურის მუნიციპალიტეტის მერისთვის არასამწარმომცემო (არაკომერციული) იურიდიული პირის - მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს შექმნასა და მუნიციპალიტეტის უფლებამოსილების დელეგირებაზე თანხმობის მიცემის შესახებ

ხაშურის მუნიციპალიტეტში დღეს მოქმედებს ა(ა)იპ „ხაშურსერვისი“ (ს/კ 443856908), რომლის ფუნქციონირების ერთ-ერთ მიმართულებას წარმოადგენს უპატრონო, უმეთვალყურეო ცხოველების მოვლა-პატრონობისა და მათი პოპულაციების მართვის ხელშეწყობა. მიუხედავად აღნიშნულისა, მწვავედ დგას მიუსაფარ ცხოველთა სიმრავლის პრობლემა. აღნიშნული პრობლემა, მისი მასშტაბებიდან გამომდინარე, არა მხოლოდ ხაშურის მუნიციპალიტეტში, არამედ მთლიანად შიდა ქართლის რეგიონშია, შესაბამისად, ამ პრობლემასთან გამკლავება შიდა ქართლის რეგიონში არსებული ყველა მუნიციპალიტეტის ერთობლივი, კოორდინირებული მოქმედებით უფრო ეფექტიანი იქნება. უპატრონო ცხოველებთან დაკავშირებული საკითხების გადაწყვეტისას მნიშვნელოვანია მუნიციპალიტეტთა შორის თანამშრომლობა, როგორც ადგილობრივი დემოკრატიის განვითარებისა და კარგი მმართველობის, მუნიციპალიტეტის უფლებამოსილებების ეფექტიანი განხორციელებისა და ადგილობრივი მოსახლეობისთვის ხარისხიანი სერვისების მიწოდების ინსტრუმენტი.

გორის მუნიციპალიტეტის მერიის 2021 წლის 21 მაისის №20-2021141366 წერილით ირკვევა, რომ 2019 წლის აგვისტოში, გორის მუნიციპალიტეტის მერიამ საქართველოს მუნიციპალური განვითარების ფონდს (შემდგომში „ფონდი“) აცნობა, რომ შიდა ქართლის რეგიონში მწვავედ დგას მიუსაფარ ცხოველთა სიმრავლის პრობლემა. დიდა რისკი დაავადებებისა და ეპიდემიის გავრცელებისა, ასევე, ხშირია ადამიანების დაკბენის შემთხვევები. შექმნილი მდგომარეობიდან გამომდინარე, გადაუდებელ საჭიროებად მიიჩნია, ქალაქ გორში, ცხოველთა ინტერმუნიციპალური თავშესაფრის მოწყობა, რომლის ოპერირების არეალი იქნება შიდა ქართლის რეგიონში შემავალი ოთხივე მუნიციპალიტეტი (გორი, კასპი, ქარელი, ხაშური). აღნიშნული მასშტაბების გამო, ფონდს ეთხოვა, საპროექტო დოკუმენტაციის მზადებისას, შეძლებისდაგვარად, გაეთვალისწინებინათ, მინიმუმ 150 ძალზე შესაბამისი რაოდენობის ვოლიერის მოწყობა, ადმინისტრაციული და კარანტინის შენობებით, ვეტერინარული კლინიკით, ლაბორატორიით და ყველა სხვა აუცილებელი ინფრასტრუქტურით უზრუნველყოფა. ეცნობა ასევე, რომ ცხოველთა თავშესაფრის მშენებლობისათვის გამოიყოფოდა მიწის ნაკვეთი (ს/კ 66.45.02.10), რომელთან ახლოს მდებარეობს თავშესაფრის ფუნქციონირებისათვის ყველა საჭირო კომუნიკაციები (წყალი, გაზი, ელექტროენერჯია). თავშესაფრის მიზანი იქნებოდა ცხოველისა და ადამიანის თანაარსებობისთვის უსაფრთხო გარემოს შექმნა. გარდა მიუსაფარ და კომპანიონ ცხოველთა მომსახურებისა, დაგეგმილი იყო თავშესაფრისთვის რეგიონის მასშტაბით ცხოველთა ინფექციური დაავადებების მონიტორინგი და პრევენციული ზომების გატარება, რიგი დაავადებების შემთხვევაში აუცილებელი იყო მათი არამხოლოდ ბუნებიდან ამოღება, არამედ მათი სხეულების სრული კრემაცია. სწორედ აღნიშნული მიზნების მისაღწევად, ფონდს ეთხოვა, ცხოველთა თავშესაფრის აღჭურვისთვის ხელსაწყო-დანადგარების შერჩევის ეტაპზე, შესაძლებლობის ფარგლებში, გაეთვალისწინებინა პატარა და დიდი ზომის კრემატორიუმები. ხსენებული გარემოებებიდან გამომდინარე, მერიამ ფონდს სთხოვა აღმოეჩინა დახმარება უპატრონოდ დარჩენილ ცხოველთა ინტერმუნიციპალური თავშესაფრის პროექტის განხორციელებაში. 2019 წლის სექტემბერში დამტკიცდა საქართველოს მუნიციპალური განვითარების ფონდის მიუსაფარ ცხოველთა თავშესაფრის მშენებლობის მიწის ნაკვეთის სამშენებლოდ გამოყენების პირობები. 2019 წლის ნოემბერში, შეთანხმებულ იქნა საქართველოს მუნიციპალური განვითარების ფონდის მიუსაფარ ცხოველთა თავშესაფრის მშენებლობის არქიტექტურულ-კონსტრუქციული პროექტი. ამავე თვის ბოლოს, მიეცა მშენებლობის ნებართვა საქართველოს მუნიციპალური განვითარების ფონდს მიუსაფარ ცხოველთა თავშესაფრის მშენებლობისათვის არქიტექტურული პროექტის მიხედვით და გაიცა მშენებლობის ნებართვის მოწმობა (ობიექტზე მდებარე: გორი, შინდისის გზატკეცილი მე-2 კმ. ამონაწერი საჯარო რეესტრიდან სარეგისტრაციო № 902018056904; საკადასტრო კოდი № 66.45.02.055). დღეის მდგომარეობით, გორში ცხოველთა ინტერმუნიციპალური თავშესაფარი აშენებულია, რომელიც მოიცავს ადმინისტრაციულ და

კარანტინის შენობებს, ვეტერინარულ კლინიკას, ლაბორატორიას, ვოლიერებსა და ყველა სხვა აუცილებელ ინფრასტრუქტურას. უახლოეს პერიოდში იგეგმება შემოადინებული ობიექტის გორის მუნიციპალიტეტისთვის საკუთრებაში გადაცემა, შესაბამისად, საჭიროა შიდა ქართლის ინტერმუნიციპალური სააგენტოს შექმნა, რომლის საქმიანობის ძირითადი მიზანი იქნება შესაბამის მუნიციპალიტეტებში (კასპი, გორი, ქარელი, ხაშური) საქართველოს ორგანული კანონის ადგილობრივი თვითმმართველობის კოდექსის მე-16 მუხლის მე-2 პუნქტის „რ“ ქვეპუნქტით გათვალისწინებული უფლებამოსილების - უპატრონო ცხოველების საკითხების გადაწყვეტა, აგრეთვე ადამიანისა და შინაური ცხოველების უსაფრთხო თანაარსებობისათვის მდგრადი გარემოს შექმნა და შინაურ ცხოველებთან დაკავშირებით წესდებით გათვალისწინებული სხვა საქმიანობის განხორციელება. აღნიშნული სააგენტო შეითავსებს იმ ფუნქციებს, რომელსაც ამ დროისათვის ახორციელებს ა(ა)იპ „ხაშურსერვისი“. შესაბამისად, სააგენტოს შექმნის შემდეგ, ა(ა)იპ „ხაშურსერვისი“ აღარ ექნება უპატრონო, უმეთვალყურეო ცხოველების მოვლა-პატრონობისა და მათი პოპულაციების მართვის ხელშეწყობის მიმართულება.

საქართველოს ორგანული კანონის „ადგილობრივი თვითმმართველობის კოდექსის“ მიხედვით, მუნიციპალიტეტის საკუთარი უფლებამოსილებაა შინაური ცხოველების ყოლის წესების დადგენა და უპატრონო ცხოველებთან დაკავშირებული საკითხების გადაწყვეტა; მუნიციპალიტეტებს უფლება აქვთ, აღნიშნული უფლებამოსილების ეფექტიანი განხორციელებისა და მოსახლეობისთვის ხარისხიანი მომსახურების გაწევის მიზნით, საქართველოს საკანონმდებლო და კანონქვემდებარე აქტების შესაბამისად, დააფუძნონ საქართველოს ორგანული კანონით „ადგილობრივი თვითმმართველობის კოდექსით“ გათვალისწინებული ერთობლივი კერძო სამართლის იურიდიული პირი. გადაწყვეტილებას აღნიშნულის თაობაზე იღებენ მუნიციპალიტეტების აღმასრულებელი ორგანოები მუნიციპალიტეტების საკრებულოების თანხმობით. მუნიციპალიტეტის საკრებულო თანხმობას გაცემს აღნიშნული გადაწყვეტილების მიღების მიზანშეწონილობაზე, რაც არ გულისხმობს საქართველოს კანონმდებლობით გათვალისწინებული სარეგისტრაციო განაცხადის და მასზე თანდართული დოკუმენტების მოწონებას.

შემოადინებულიდან გამომდინარე, ხაშურის მუნიციპალიტეტის საკრებულოს მიზანშეწონილად მიიჩნია მიეცეს თანხმობა ხაშურის მუნიციპალიტეტის მერს არასამწარმომცემო (არაკომერციული) იურიდიული პირის - მიუსაფარი შინაური ცხოველების მართვის შიდა ქართლის ინტერმუნიციპალური სააგენტოს შექმნაზე და მუნიციპალიტეტის უფლებამოსილების დელეგირებაზე.

საქართველოს ორგანული კანონის „ადგილობრივი თვითმმართველობის კოდექსის“ 21-ე მუხლის 1-ლი და მე-3 პუნქტების, 24-ე მუხლის მე-2 პუნქტის და 1061 მუხლის მე-4 პუნქტის შესაბამისად, ხაშურის მუნიციპალიტეტის საკრებულო ადგენს:

1. მიეცეს თანხმობა ხაშურის მუნიციპალიტეტის მერს გორის, ქარელის და კასპის მუნიციპალიტეტებთან ერთად, დააფუძნოს არასამწარმომცემო (არაკომერციული) იურიდიული პირი - მიუსაფარი შინაური ცხოველების მართვის შიდა ქართლის ინტერმუნიციპალური სააგენტო (შემდგომში, სააგენტო), რომლის საქმიანობის ძირითადი მიზანი იქნება შესაბამის მუნიციპალიტეტებში საქართველოს ორგანული კანონის ადგილობრივი თვითმმართველობის კოდექსის მე-16 მუხლის მე-2 პუნქტის „რ“ ქვეპუნქტით გათვალისწინებული უფლებამოსილების - უპატრონო ცხოველების საკითხების გადაწყვეტა, აგრეთვე ადამიანისა და შინაური ცხოველების უსაფრთხო თანაარსებობისათვის მდგრადი გარემოს შექმნა და შინაურ ცხოველებთან დაკავშირებით წესდებით გათვალისწინებული სხვა საქმიანობის განხორციელება.
2. მიეცეს თანხმობა ხაშურის მუნიციპალიტეტის მერს უზრუნველყოს უფლებამოსილების დელეგირების შესახებ ხელშეკრულების გაფორმება.
3. განკარგულება აღსასრულებლად გაეგზავნოს ხაშურის მუნიციპალიტეტის მერიას.
4. განკარგულება ძალაში შედის ხელმოწერისთანავე;
5. განკარგულება გამოქვეყნდეს ხაშურის მუნიციპალიტეტის საკრებულოს ვებ-გვერდზე [www.khashuri.org.ge](http://www.khashuri.org.ge) ;
6. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის ვადაში, სარჩელის წარდგენის გზით, ხაშურის რაიონულ სასამართლოში (მის: ხაშური, მერაბ კოსტავას ქ. № 15)

საკრებულოს თავმჯდომარის მოადგილე ზურაბ ნოზაძე

### ხაშურის მუნიციპალიტეტის საკრებულო

### განკარგულება # 25

2021 წლის 01 ივნისი, ხაშური

ხაშურში, ალ. ყაზბეგის ქუჩის მონაკვეთისათვის, პირველ საჯარო სკოლასა და დასასვენებელ პარკს შორის, „საქართველოს ტერიტორიული მთლიანობის დაცვისთვის დაღუპული მებრძოლების ხეივანი“-ს სახელის მინიჭების შესახებ

ხაშურის მუნიციპალიტეტის საკრებულოში, საქართველოს თავდაცვის სამინისტროს 2021 წლის 21 მარტის წერილის საფუძველზე, რეგისტრირებულია ინიციატივა ხაშურში ალ. ყაზბეგის ქუჩის მონაკვეთისათვის, პირველ საჯარო სკოლასა და დასასვენებელ პარკს შორის, „საქართველოს ტერიტორიული მთლიანობის დაცვისთვის დაღუპული მებრძოლების ხეივანი“-ს სახელის მინიჭების თაობაზე. აღნიშნულ ქუჩაზე მცხოვრები მოქალაქეები წინააღმდეგი არ არიან და ეთანხმებიან გეოგრაფიული ობიექტის სახელდებას. მოსახლეობასთან კონსულტაციის მიზნით, საკითხთან დაკავშირებული დოკუმენტები, კანონით დადგენილი ვადით გამოქვეყნებული იყო საჯაროდ მუნიციპალიტეტის ოფიციალურ ვებგვერდზე და რაიმე სახის შენიშვნები და მოსაზრებები არ შემოსულა. ხაშურის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიას მიზანშეწონილად მიიჩნია, მოქმედი კანონმდებლობის შესაბამისად, ქუჩის მონაკვეთისათვის სამშობლოს დაცვისთვის დაღუპული მებრძოლების სახელის მინიჭება. შემოსენებული გეოგრაფიული ობიექტის სახელდების საკითხი შეთანხმებულია გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და დაცვის მიზნით,

გეოგრაფიული ობიექტების სახელწოდებათა სფეროში მოქმედ სამთავრობო კომისიასთან.

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „პ“ ქვეპუნქტის 24-ე მუხლის 1-ლი პუნქტის „ა.ე“ ქვეპუნქტის, 61-ე მუხლის 1-ლი და მე-2 პუნქტების შესაბამისად, ხაშურის მუნიციპალიტეტის საკრებულო ადგენს:

1. ქალაქ ხაშურში, ალ. ყაზბეგის ქუჩის მონაკვეთს (მდებარე: ქალაქის ცენტრალურ ნაწილში, სივრცე 150 მეტრი, სიგანე 10 მეტრი, აღმოსავლეთიდან ესაზღვრება სასიერო პარკი, დასავლეთით - 1 საჯარო სკოლა, სამხრეთით - სააკადის ქუჩა, ჩრდილოეთით - ტაბიძის ქუჩა, კოორდინატებია X-383589, -4650263, X-383687, -4650157) მიენიჭოს „საქართველოს ტერიტორიული მთლიანობის დაცვისთვის დაღუპული მებრძოლების ხეივანი“-ს სახელი.
2. განკარგულება აღსასრულებლად გაეგზავნოს ხაშურის მუნიციპალიტეტის მერიას;
3. განკარგულება ეცნობოს სახელმწიფო სერვისების განვითარების სააგენტოს, საქართველოს შინაგან საქმეთა სამინისტროს, ცენტრალურ საარჩევნო კომისიას და საჯარო რეესტრის ეროვნულ სააგენტოს.
4. განკარგულება ძალაში შედის ხელმოწერისთანავე.
5. განკარგულება გამოქვეყნდეს „საქართველოს საკანონმდებლო მაცნეში“ და ხაშურის მუნიციპალიტეტის საკრებულოს ვებ-გვერდზე [www.khashuri.org.ge](http://www.khashuri.org.ge)-ზე.
6. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით ხაშურის რაიონულ სასამართლოში (მის: ხაშური, კოსტავას ქ. №15).

საკრებულოს თავმჯდომარის მოადგილე ზურაბ ნოზაძე

### ხაშურის მუნიციპალიტეტის საკრებულო განკარგულება # 26

2021 წლის 01 ივნისი, ხაშური

ხაშურის მუნიციპალიტეტის საკრებულოს 2021 წლის მესამე კვარტლის სამუშაო გეგმის დამტკიცების შესახებ

ხაშურის მუნიციპალიტეტის საკრებულოს 2020 წლის დეკემბრის ბიუროს სხდომაზე დამტკიცდა საკრებულოს კომისიების წლიური სამუშაო გეგმები, რომელთა საფუძველზეც შემუშავდა საკრებულოს მესამე კვარტლის სამუშაო გეგმა, რაც ხაშურის მუნიციპალიტეტის საკრებულოს 2014 წლის 14 ივლისის „ხაშურის მუნიციპალიტეტის საკრებულოს რეგლამენტის დამტკიცების შესახებ“ №22 დადგენილების მე-3 მუხლის მე-3 პუნქტის „ვ“ ქვეპუნქტისა და 50-ე მუხლის 1-ლი პუნქტის შესაბამისად, საჭიროებს საკრებულოს სხდომაზე დამტკიცებას.

საქართველოს ორგანული კანონი „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტების, მე-19 მუხლის „ბ“ პუნქტის, ხაშურის მუნიციპალიტეტის საკრებულოს

2014 წლის 14 ივლისის „ხაშურის მუნიციპალიტეტის საკრებულოს რეგლამენტის დამტკიცების შესახებ“ №22 დადგენილების მე-3 მუხლის მე-3 პუნქტის „ვ“ ქვეპუნქტისა და 50-ე მუხლის 1-ლი პუნქტის შესაბამისად, ხაშურის მუნიციპალიტეტის საკრებულო ადგენს:

1. დამტკიცდეს ხაშურის მუნიციპალიტეტის საკრებულოს 2021 წლის მესამე კვარტლის სამუშაო გეგმა დანართის შესაბამისად. (დანართი თან ერთვის 1 ფურცლად);
2. განკარგულება ძალაში შედის ხელმოწერისთანავე.
3. განკარგულება გამოქვეყნდეს ხაშურის მუნიციპალიტეტის საკრებულოს ვებგვერდზე [www.khashuri.org.ge](http://www.khashuri.org.ge)
4. განკარგულება ეცნობოს ხაშურის მუნიციპალიტეტის მერიას.
5. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის ვადაში, სარჩელის წარდგენის გზით, ხაშურის რაიონულ სასამართლოში (მის: ხაშური, მერაბ კოსტავას ქ. № 15)

საკრებულოს თავმჯდომარის  
მოადგილე ზურაბ ნოზაძე

პროექტი				
ხაშურის მუნიციპალიტეტის საკრებულოს 2021 წლის III კვარტლის სამუშაო გეგმა				
N	საკრებულოს სხდომაზე განსახილველ საკითხების დასახელება	განხილვის დრო	საკითხზე მომხსენებელი	საკითხის მომზადებაზე პასუხისმგებელი კომისია
1	2	3	4	5
1	ხაშურის მუნიციპალიტეტის ა(ა)იპ ხაშურის მუნიციპალიტეტის საზოგადოებრივი ჯანმრთელობის დაცვის ცენტრის მიერ 2021 წლის პირველ ნახევარში გაწეული საქმიანობისა და ახალი კორონავირუსის (COVID-19) გავრცელების პრევენციის მიზნით გაწეული საქმიანობის მოსმენა-შეფასების შესახებ	ივლისი	ა(ა)იპ ხაშურის მუნიციპალიტეტის საზოგადოებრივი ჯანმრთელობის დაცვის ცენტრის დირექტორი	საკრებულოს სოციალურ საკითხთა კომისია
2	ხაშურის მუნიციპალიტეტის მერიის განათლების, კულტურისა და სპორტის სამსახურის მიერ 2021 წლის პირველ ნახევარში გაწეული მუშაობის მოსმენა- შეფასების შესახებ	აგვისტო	მერიის განათლების, კულტურისა და სპორტის სამსახურის უფროსი	საკრებულოს სოციალურ საკითხთა კომისია
3	ხაშურის მუნიციპალიტეტის მერიის საბიუჯეტო სამსახურის ბუღალტრული აღრიცხვა-ანგარიშგების განყოფილების მიერ 2021 წლის პირველ ნახევარში სამსახურის დებულებით გათვალისწინებული საქმიანობის კუთხით გაწეული მუშაობის მოსმენა-შეფასების შესახებ	სექტემბერი	მერიის საბიუჯეტო სამსახურის ბუღალტრული აღრიცხვა-ანგარიშგების განყოფილების ხელმძღვანელი	საკრებულოს საფინანსო-საბიუჯეტო კომისია

### ხაშურის მუნიციპალიტეტის საკრებულოს განკარგულება # 27

2021 წლის 01 ივნისი, ხაშური

ხაშურის მუნიციპალიტეტის მერიის ადმინისტრაციული სამსახურის შესყიდვებისა და მატერიალურ-ტექნიკური უზრუნველყოფის განყოფილების მიერ 2020 წელს გეგმით გათვალისწინებული სამუშაოების შესრულებისა და გაწეული საქმიანობის ანგარიშის მოსმენისა და შეფასების შესახებ

ხაშურის მუნიციპალიტეტის საკრებულომ, 2021 წლის 01 ივნისის სხდომაზე, ხაშურის მუნიციპალიტეტის საკრებულოს 2021 წლის მეორე კვარტლის სამუშაო გეგმის შესაბამისად, მოისმინა ხაშურის მუნიციპალიტეტის მერიის ადმინისტრაციული სამსახურის შესყიდვებისა და მატერიალურ-ტექნიკური უზრუნველყოფის განყოფილების მიერ 2020 წელს გეგმით გათვალისწინებული სამუშაოების შესრულებისა და

გაწეული საქმიანობის შესახებ ანგარიში, რომელიც საკრებულოს მიერ შეფასდა დადებითად.

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის 1-ლი პუნქტის „გა“ ქვეპუნქტისა და 61-ე მუხლის 1-ლი და მე-2 პუნქტების შესაბამისად, ხაშურის მუნიციპალიტეტის საკრებულო ადგენს:

1. დადებითად იქნას შეფასებული ხაშურის მუნიციპალიტეტის მერიის ადმინისტრაციული სამსახურის შესყიდვებისა და მატერიალურ-ტექნიკური უზრუნველყოფის განყოფილების მიერ 2020 წელს გეგმით გათვალისწინებული სამუშაოების შესრულებისა და გაწეული საქმიანობის შესახებ ანგარიში.
2. განკარგულება ძალაში შედის ხელმოწერისთანავე.
3. განკარგულება გამოქვეყნდეს ხაშურის მუნიციპალიტეტის საკრებულოს ვებგვერდზე [www.khashuri.org.ge](http://www.khashuri.org.ge)
4. განკარგულება შეიძლება გასაჩივრდეს დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით, ხაშურის რაიონულ სასამართლოში (მისამართი: ხაშური, კოსტავას ქ. №15).

საკრებულოს თავმჯდომარის  
მოადგილე ზურაბ ნოზაძე



**ა(ა)ი.პ „ხაშურსერვისის“ 2021 წლის პირველი კვარტლის საფინანსო-ეკონომიკური მაჩვენებლებისა და გაწეული საქმიანობის ანგარიში**

ხაშურის მუნიციპალიტეტის საკრებულოს 2020 წლის 16 დეკემბრის 21 განკარგულებით, ხაშურის მუნიციპალიტეტის დასახლებებში ქალაქისა და სოფლის ზონების დასუფთავებისა და სანიტარული ღონისძიებების, საგზაო ინფრასტრუქტურის, გარე განათების მოვლა-პატრონობის და წყლის სისტემის ზედამხედველობის, სასაფლაოს მოწყობისა და მოვლის ღონისძიებების, მაწანწალა ცხოველების მოვლა-პატრონობის, მუნიციპალიტეტის დასახლებაში გამწვანების, მწვანე ნარგავების, სპორტული მოედნებისა და სკვერების მოვლა-შენახვის მიზნით გათვალისწინებული პროგრამის განხორციელებისათვის ადგილობრივი ბიუჯეტიდან მსგავსად 2020 წლის დაფინანსებისა 2021 წლითვისაც გამოიყო 1 962 200

ჯეტიდან, 2021 წლის პროგრამით გათვალისწინებული სამუშაოებისათვის, გამოყოფილია 300000 ლარი. საიდანაც ხელფასის ფონდი შეადგენს 86 000 ლარს, ხოლო საქონელი და მომსახურების მუხლი განისაზღვრა 214000 ლარით. 2020 წლის პირველ კვარტალში დანახარჯთა გეგმა განისაზღვრა 171550 ლარით. გარე განათებისათვის საჭირო მასალების შესაძენად ჩატარებული იქნა ერთი ელექტრონული ტენდერი თანხით 41050 ლარი. საიდანაც შეძენილი იქნა სხვადასხვა ამპერისა და ტიპის დიოდური ნათურა, რომლებიც გამოყენებული იქნა მუნიციპალიტეტის დასახლებების გარე განათების სამუშაოების შესასრულებლად. გარე განათების მოვლა-შენახვაზე დასაქმებულია: ერთი მენეჯერი, ერთი ბრიგადირ-ელექტრიკოსი, ხუთი ელექტრიკოსი და ორი მძღოლი, ემსახურება ორი სპეცავტომანქანა (ამწვეკალათი). 2021 წლის პირველ კვარტალში გარე განათების სამუშაოებზე ხელფასის სახით გაიხარჯა 19170 ლარი, ნაცვლად-21540 ლარისა. გარე განათების სისტემის მოვლა-შენახვასა და რეაბილიტაციაზე დასაქმებულია ცხრა თანამშრომელი: ერთი მენე-

	ხელფასი	საქონელი და მომსახურება	სულ საფინანსება
1 დასუფთავება და სანიტარული ღონისძიებები	530000	396000	926000
2 ხაშურის მუნიციპალიტეტის გარე განათება	86000	214000	374200
3 ხაშურის მუნიციპალიტეტის შიდა გზების მოვლა-პატრონობა	130300	144700	275000
4 წყლის სისტემის ზედამხედველობა	50400	39600	20000
5 გამწვანების პროგრამა	150000	104200	254200
6 მაწანწალა ცხოველების მოვლა-პატრონობის პროგრამა	55000	8000	63000
7 სასაფლაოების მოვლა-პატრონობისა და სარიტუალო მომსახურების გაუმჯობესების პროგრამა	38500	15500	54000
<b>ჯამი</b>	<b>1040200</b>	<b>922000</b>	<b>1962200</b>

ლარის დაფინანსება.

პროგრამით გათვალისწინებული სამუშაოების შესასრულებლად, მიმდინარე წლის პირველ კვარტალში, დანახარჯებმა შეადგინა 405469 ლარი. საიდანაც ხელფასის ხარჯმა შეადგინა 257877 ლარი, საქონელი და მომსახურების ხარჯმა 21323 ლარი, ტრანსპორტის ტექნომსახურებისა და ექსპლუატაციის ხარჯმა შეადგინა 126269 ლარი. მიმდინარე წლის პირველ კვარტალში საკუთარმა შემოსავლებმა შეადგინა 16033 ლარი. შეძენილი იქნა 98582 ლარის საწვავი - 31320 ლიტრი დიზელი, 3132 ლიტრი ბენზინი და 21000 კმ ბუნებრივი გაზი. სათადარიგო ნაწილებს შესაძენად გამოცხადებული იქნა ტენდერი 59184 ლარის, ელექტრო საქონლის შესაძენად შეადგინა - 41040 ლარი, ხოლო ქვიშა-ხრეშის შესაძენად - 19000 ლარი.

კორონავირუსის პანდემიის გამო, საქართველოს მთავრობის მიერ გამოცხადებული საგანგებო მდგომარეობის მიუხედავად, ა(ა)ი.პ „ხაშურსერვის“ არ შეუწყვეტია პროგრამით გათვალისწინებული სამუშაოების შესრულება. საკუთარი შემოსავლებით თანამშრომლებისთვის შეძენილი იქნა 3000 ცალი პირბადე, 50 ლიტრი ხელის სადენზიფექციო ხსნარი, 5 ცალი უკონტაქტო თერმომეტრი.

ხაშურის მუნიციპალიტეტის დასახლებებში ქალაქისა და სოფლის ზონების დასუფთავებისა და სანიტარული ღონისძიებების პროგრამის განხორციელებისათვის ადგილობრივი ბიუჯეტიდან გამოყოფილი იქნა 926 000 ლარი, საიდანაც ხელფასის ფონდი შეადგენს 530 000 ლარს, ხოლო საქონელი და მომსახურების მუხლი განისაზღვრება 396 000 ლარით. 2021 წლის პირველ კვარტალში დანახარჯთა გეგმა განისაზღვრა 271500 ლარით, საიდანაც ხელფასის ფონდი შეადგენს 142500 ლარს, ხოლო საქონელი და მომსახურების დანახარჯთა მუხლი განისაზღვრა 129 000 ლარით. დასუფთავების პროგრამის შესრულებაზე დასაქმებულია 134 თანამშრომელი. 1 - მენეჯერი, 4 - სპეციალისტი, 40 - მეუზოვე, 42 - მუშა, 22 - დასუფთავების ქეითრების დამრიგებელი, 13 - მძღოლი, 6 - დამლაგებელი, 6 - სამუშაოთა მწარმოებელი და ადმინისტრაციის მოსამსახურე). დასუფთავების პროგრამის შესასრულებლად მუნიციპალიტეტის ტერიტორიაზე განთავსებულია 665 ცალი კონტეინერი. გამოიყენება ექვსი ერთეული ნაგავშემკრები სპეცტექნიკა და ხუთი სატვირთო ავტომანქანა. ყოველდღიურად ქ.ხაშურში იგვება 48100 მ<sup>2</sup>, ხოლო დაბა სურამში 15500 მ<sup>2</sup> ფართი. თვეში ერთხელ ვახორციელებთ ქ. ხაშურში და დაბა სურამში საავტომობილო მაგისტრალის მიმდებარე ტერიტორიის დასუფთავება - გაწმენდას 638000 მ<sup>2</sup> - ზე. 2021 წელს პირველ კვარტალში, ხაშურის ნაგავსაყრელზე გატანილი იქნა 19672 მ<sup>3</sup> საყოფაცხოვრებო ნარჩენი. 2021 წლის პირველ კვარტალში ადგილობრივი ბიუჯეტიდან მიღებული და გახარჯული იქნა 238015 ლარი, ნაცვლად დაგეგმილი 261500 ლარისა. ხელფასის სახით გაიხარჯა 142264 ლარი, ნაცვლად, დაგეგმილი 142500 ლარისა. გარდა ადგილობრივი ბიუჯეტიდან მიღებული სუფსიდიისა, დასუფთავების სამუშაოებისათვის გამოყენებული და გახარჯული იქნა საკუთარი შემოსავლებიდან 8635 ლარი.

ხაშურის მუნიციპალიტეტის დასახლებებში გარე განათების სისტემის მოვლა- შენახვასა და რეაბილიტაციაზე ადგილობრივი ბიუ-

ჯერი. ერთი ბრიგადირი, ხუთი ელექტრიკოსი ორი მძღოლი.

ხაშურის მუნიციპალიტეტის შიდა გზების მოვლა-პატრონობაზე 2021 წელს, ადგილობრივი ბიუჯეტიდან გამოყოფილი იქნა 275 000 ლარი, საიდანაც პირველი კვარტლის დანახარჯთა გეგმა განისაზღვრა 83750 ლარით. შიდა გზების მოვლა - პატრონობაზე დასაქმებულია ექვსი თანამშრომელი: ერთი - მენეჯერი, ერთი - გზის ინჟინერი, ოთხი - მექანიზატორი, სამი ერთეული საგზაო ტექნიკა: გზის გრეიდერი, ექსკავატორ-დამტვრითი და მუხლუხიანი ტრაქტორი. ტენდერზე შეძენილი იქნა 1400 კმ ხრეში და 4500 კმ ღორღი, რომელიც გამოიყენება მუნიციპალიტეტის შიდა გზების შეკეთებაზე.

ხაშურის მუნიციპალიტეტის დასახლებებში გამწვანების, მწვანე ნარგავების, სპორტული მოედნებისა და სკვერების მოვლა-შენახვისათვის მუნიციპალიტეტის საკრებულოს მიერ, 2021 წელს, ადგილობრივი ბიუჯეტიდან, განკარგულებით, გამოიყო დაფინანსება 2542 00 ლარი. პირველი კვარტლის დანახარჯები გეგმით განისაზღვრა 67500 ლარით, საიდანაც ხელფასის ფონდი -30604 ლარი, საქონელი და მომსახურება - 3120 ლარი. პირველი კვარტლის ფაქტიურმა დანახარჯმა შეადგინა 65172 ლარი,

მაწანწალა ცხოველების მოვლა-პატრონობის ღონისძიებების პროგრამის შესასრულებლად ხაშურის მუნიციპალიტეტის საკრებულომ 2021 წელისათვის დაამტკიცა 63 000 ლარი. 2021 წლის პირველი კვარტლის დანახარჯთა გეგმა განისაზღვრა 17750 ლარით. ფაქტობრივად, გაიხარჯა 15838 ლარი. საიდანაც ხელფასის ხარჯი შეადგენს -13245 ლარს. აღნიშნული პროგრამის შესასრულებლად დასაქმებულია 8 თანამშრომელი. ორი - სპეციალისტი, ერთი - ფერშალ-ლაბორანტი, ორი - ცხოველების დამკერი კინოლოგი, ერთი - ვეტექიმი, ერთი - ცხოველების მომვლელი, ერთი - მძღოლი. 2021 წლის პირველ კვარტალში ცხოველთა თავშესაფარში შემოყვანილი იყო 64 ძაღლი. 15 ძაღლს ჩაუტარდა მკურნალობა. 10 ძაღლი დაიღუპა. 3 ძაღლი გაჩუქებული იქნა. დაუბრუნდა ბინადრობის პირვანდელ არიანს 48 ძაღლი. სულ შემოსული იყო 42 გამოძახება, ყველაზე მოხდა სათანადო რეაგირება.

მუნიციპალიტეტის დასახლებებში სასაფლაოების მოწყობისა და მოვლის ღონისძიებებზე 2021 წლისათვის ხაშურის მუნიციპალიტეტის საკრებულომ გამოიყო 54 000 ლარი. (ხელფასისათვის - 38500 ლარი, საქონელი და მომსახურებისათვის - 15500 ლარი) 2020 წლის პირველი კვარტლისათვის დაგეგმილი იყო 18500 ლარის ხარჯი (ხელფასისთვის-9625 ლარი, საქონელი და მომსახურებისათვის-3875 ლარი.) ფაქტიურმა დანახარჯმა შეადგინა 10238 ლარი, საიდანაც ხელფასის ხარჯია 9964 ლარი. 2021 წლის პირველ კვარტალში ორგანიზაციის სამი მესაფლავის მიერ სასაფლაოების მოწყობიდან მიღებულმა შემოსავალმა შეადგინა 5150 ლარი.

ხაშურის მუნიციპალიტეტის წყლის სათავე-ნაგებობების ზედამხედველებზე 2021 წელს გამოყოფილი იქნა 90000 ლარი, მიმდინარე წლის პირველ კვარტალში ხელფასის სახით გაიხარჯა 13200 ლარი. შეძენილი იქნა 13668 ლარის სადენზიფექციო საშუალებები.

ნ. ცხოვრებაძე, ა(ა)ი.პ „ხაშურსერვისის“ დირექტორი



სოციალურად დაუცველ ბავშვთა ყოველთვიური დახმარება პირველი ივლისიდან არსებული 50 ლარის ნაცვლად - 100 ლარამდე გაიზარდა

არსებული 100 000 ჟულის ნაცვლად, 100-ლარიან ყოველთვიურ დახმარებას მიიღებენ 120 000-ზე ნაკლები ჟულის მქონე ოჯახებში მცხოვრები ბავშვები


(გადაწყვეტილება 215 ათასზე მეტ ბავშვს შეეხება)

პროგრამის დასაფინანსებლად ბიუჯეტიდან ყოველწლიურად 145 მილიონი ლარი გამოიყოფა

-სამბო-

წარმატება მსოფლიო ჩემპიონატზე

27 მაისს, კვიპროსში მიმდინარე ევროპის ჩემპიონატზე, ჰიდაობა სამბოში, ახალგაზრდებს შორის 88კგ. წონით კატეგორიაში, ასპარეზობდა ხაშურის სასპორტო სკოლის მოსწავლე ზაურ დვალაშვილი, რომელიც ვერცხლის მედლის მფლობელი გახდა. ვულოცავთ, ზაურს გამარჯვებას და წარმატებებს ვუსურვებთ შემდეგ ასპარეზობებზე.



სურამის ბიბლიოთეკა 125 წლისა!


საამაყოა, რომ ასოცდახუთი წლის ისტორიას ინახავს ჩვენი ბიბლიოთეკა.

ცნობები სურამში ბიბლიოთეკის შესახებ XIX ს-ის 90-იანი წლებიდან მოგვეპოვება. 1895 წლის 30 ივნისს, ჟურნალი „კვალი“ აქვეყნებს იოსებ მესხის წერილს, რომელშიც საუბარია სამკითხველოს პირველ ნაბიჯებზე. იმ დახმარებაზე, რაც ადგილობრივმა საზოგადოებამ გაუწია ახლად დაარსებულ სამკითხველოს:

„ქნო რედაქტორო, გამგეობა სურამის უფასო სამკითხველოსი, უმორჩილესათ გთხოვთ, ნება მომცეთ მადლობა გამოგვეცხადო თქვენი პატივცემული ჟურნალის „კვალის“ საშუალებით შემდეგ პირთ, რომელნიც წიგნებით, ფულით და საქმით დაეხმარნენ აღნიშნულ სამკითხველოს...“

2021 წელს ვაცხადებთ სურამის ბიბლიოთეკის წლად და მთელი წლის განმავლობაში შემოგთავაზებთ საინტერესო სტატიებს არამარტო საბიბლიოთეკო საქმიანობის, არამედ სურამის კულტურული ცხოვრების შესახებ - დაარსებიდან დღემდე.

საბიბლიოთეკო გაერთიანება



საუკუნოვანი იუბილარი

ჩვენ მუნიციპალიტეტში, სოფელ წრომში 100 წლოვანი ხანდაზმული გვეყავს: ქალბატონ ნორა ზუბაშვილს ამ დღეებში 100 წელი შეუსრულდა, ხაშურის მუნიციპალიტეტის საკრებულომ გამოხატა ინიციატივა მოგვენახულებინა იუბილარი, წრომის მაჟორიტარი დეპუტატის ემზარ მურჯიკნელის დახმარებით მოვიდიეთ ქალბატონი და ოჯახში მოკრძალებული საჩუქრით ხელდამშვენებული ვეწვიეთ. 3 შვილი, 8 შვილიშვილი, 14 შვილთაშვილი და კიდევ მეოთხე თაობა, თავად ნორა ზუბაშვილი კი, როგორც ოჯახის წევრებმა გაგვიმხილეს, სტუმრების მოლოდინის სიხარულით აღსავსე დაგვხვდა.



საჭირო დოკუმენტების თავმოყრის შემდეგ კი ქალბატონ იუბილარს მუნიციპალური პროგრამის ფარგლებში, ფულადი საჩუქარიც გადაეცემა. გვინდა

ჯანმრთელობა, სიმხნევე, ოჯახის და ქვეყნის კეთილდღეობა ვუსურვოთ ნორა ბებოს!

ი. გოცირიძე



აბელ (აბიკო) ჯანაშვილის ხსოვნას



კიდევ ერთი კარგი ადამიანი, სანიმუშო ოჯახის მამა, საუკეთესო მეგობარი დააკლდა ქალაქს, სამეგობროს, ახლობლებს.

აბიკო ჯანაშვილი იმ თაობის წარმომადგენელია, რომლებიც სიყვარულით და ერთგულებით ემსახურნენ მშობლიურ ქალაქს.

დადიოდა ხაშურის ქუჩებში, ცხოვრობდა, უხდებოდა ქალაქს, გამორჩეული თავაზიანი ხალხით, მოყვასის სიყვარულით, პატიოსნებით, თავმდაბლობით. აქტიურად იყო ჩართული საკუთარი ქალაქის კეთილდღეობისათვის ზრუნვაში, ხარობდა შვილების და შვილიშვილების წარმატებებით, ამ მხრივ საამაყო მართლაც რომ ჰქონდა.

ვაცილებთ იმქვეყნად დიდი გულისტკივილით, უფაღმა დაუმკვიდროს ცათა სასუფეველი, მსუბუქი იყოს მისთვის მშობლიური ხაშურის მიწა.

ხაშურის მუნიციპალიტეტის მერიისა და საკრებულოს თანამშრომლები თანაუგრძნობენ მიხეილ ჯანაშვილს მამის აბელ (აბიკო) ჯანაშვილის გარდაცვალების გამო.

გაზეთის - „ხაშურის მოამბე“ - თანამშრომლები თანაუგრძნობენ ნანა და ხათუნა მასაშვილებს მამის ლერი მასაშვილის გარდაცვალების გამო.

D საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია, თავმჯდომარე-ინეზა ელისაშვილი, იუწყება ხაშურის მე-2 საჯარო სკოლის დეპუტატი პედაგოგის, ლიანა კვესადის გარდაცვალებას და სამძიმარს უცხადებს გარდაცვლილის ოჯახს.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე. მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.